

四庫全書

史部

欽定四庫全書

史部  
尚史卷四十二

少詹事<sub>臣</sub>曹城覆勘

總校官檢討臣何思鈞

欽定四庫全書

尚史卷四十二

列傳二十

鑲白旗漢軍李鎬撰

晉諸臣傳

羊舌大夫

羊舌職

羊舌赤

伯華

羊舌肸

叔向

羊舌鮒

叔魚

羊舌虎

叔虎

楊石

我

楊食

子容

附

羊舌大夫者失其名事獻公為軍尉

家譖晉平公問祁奚曰羊舌大夫何如對曰其為人

也數變其十五年也廉以不匿其過其二十也仁以  
喜義其三十也為晉中軍尉勇以喜仁其年五十也  
為邊城將遠者復親公曰果賢大夫也每變益上矣  
子職事景公為大夫邲之敗也荀林父請死士渥濁  
諫公免之及林父敗赤狄滅潞公賞林父狄臣千室亦  
賞渥濁以瓜衍之田曰微子吾喪伯氏矣職說是賞也  
曰周書所謂庸庸祇祇者謂此物也夫士伯即士渥濁庸中  
行伯即荀林父君信之亦庸士伯此之謂明德矣文王所以

造周不是過也故詩曰陳錫哉周能施也率是道也其

何不濟景公七年

宣十六年

公命士會將中軍且為大傅于

是晉國之盜逃奔于秦職曰吾聞之禹稱善人不善人

遠此之謂也夫詩曰戰戰兢兢如臨深淵如履薄冰善

人在上也善人在上則國無幸民諺曰民之多幸國之

不幸也是無善人之謂也及悼公即位使祁奚為中軍

尉職佐之

國語知羊舌職之聰敏肅給也使佐之

悼公三年

襄三年

職卒

左傳

子四曰赤肱鮒虎

羊舌赤者所謂銅鞮伯華也事悼公悼公三年

襄三年

代

職佐中軍尉士匄與蘇大夫爭田欲攻之問于赤赤曰

外有軍內有事赤也外事也不敢侵官且吾子之心有

出焉可徵訊也

謂以軍旅出可  
召問也 國語

及樂盈之難士匄因赤及其弟肱既而免之

左傳

赤之子曰子容

羊舌肸字叔向食邑于楊又曰楊肸悼公時使傅太子

彪

即平公  
國語

平公即位肸為太傅肸弟虎字叔虎美而有勇力樂盈

嬖之平公六年

襄二十  
一年

士匄逐樂盈殺虎且囚肸人謂

肸曰子離于罪其為不知乎肸曰與其死亡若何詩曰

優哉游哉聊以卒歲知也會祁奚請肸肸免冬公會諸

侯于商邱錮欒氏也齊侯衛侯不敬肸曰二君者必不

免會朝禮之經也禮政之興也政身之守也怠禮失政

失政不立是以亂也十年

哀二十六年

我以孫林父故執衛侯

齊侯鄭伯為衛侯故來公兼享之賦嘉樂國弱相齊侯

賦藁蕭公孫舍之

即子展罕氏也

相鄭伯賦緇衣彤命公拜二

君曰寡君敢拜齊君之安我先君之宗祧也敢拜鄭君之不貳也國弱使晏嬰私于彤曰晉君盟主也今為臣

執君若之何彤告趙武武以告公公言衛侯之罪使彤

告二君

告殺晉成三百人之罪

國弱賦轡之柔矣舍之賦將仲子

兮公乃許歸衛侯彤曰鄭七穆

謂罕氏驕氏國氏良氏游氏豐氏印氏也鄭穆公十



一子子然二子孔三族已  
亡子羽不為卿故曰七穆罕氏其後亡者也子展儉而

壹十二年

襄二十七年

宋向戌欲弭諸侯之兵為會于宋五

月趙武至于宋宋人享武肸為介及楚屈建至將盟楚

人衷甲趙武患之以告肸肸曰何害也匹夫一為不信

猶不可單斃其死

單盡斃陪也

若合諸侯之卿以為不信必

不捷矣食言者不病

不病者單斃于死

非子之患也夫以信召

人而以僭濟之必莫之與也安能害我且吾因宋以守

病

為楚所病則入宋城

則夫能致死與宋致死雖倍楚可也子何

懼焉又不及是曰弭兵以召諸侯而稱兵以害我吾庸多矣非所患也

國語諸侯之大夫盟于宋楚令尹子木欲襲晉軍文子謂叔向曰若之何叔向曰子何患焉忠不可暴信不可犯忠自中而信自身其為德也深矣其置本也固矣故不可捫也今我以忠謀諸侯而以信覆之荆之逆諸侯也亦云是以此若襲我是自背其信而塞其忠也信反必弊忠塞無用安能害我且夫合諸

侯以為不信諸侯何望焉此行也荆敗我諸侯必叛之子何愛于死死而可以固晉國之盟主何懼焉是行也以蕃為軍攀輦即利而舍侯遮扞衛不行楚人不敢謀畏晉之信也

及盟晉楚爭先歃肱謂趙武曰諸侯歸晉之德只非歸其尸盟也子務德無爭先且諸侯盟小國固必有尸盟者楚為晉細不亦可乎乃先楚人

國語宋之盟楚請先歃叔向謂趙文子曰夫伯王之

勢在德不在先歆子若能以忠信贊君而裨諸侯之  
闕歆雖後諸侯將戴之何爭于先若違于德而以賄  
成事今雖先歆諸侯將棄之何欲于先昔成王盟諸  
侯于岐陽楚為荆蠻置茅蕝設望表與鮮牟守燎故  
不與盟今將與狎主諸侯之盟唯有德也子務德勿  
爭先

宋公享晉楚之大夫趙武為客

一坐所  
尊為客

屈建與之言弗

能對使盼侍言焉屈建亦不能對也十七年

昭元年

趙武

會楚公子圍于號尋宋之盟也公子圍設服離衛

設君服陳

兵衛

事畢趙武謂胙曰令尹

即公子圍

自以為王矣何如對曰

王弱令尹彊其可哉雖可不終武曰何故對曰彊以克弱而安之彊不義也不義而彊其斃必速詩曰赫赫宗周褒姒滅之彊不義也令尹為王必求諸侯晉少懦矣諸侯將往若獲諸侯其虐滋甚民弗堪也將何以終夫以彊取不義而兄必以為道道以淫虐弗可久矣是年冬十一月公子圍弑楚王右尹王子比

即子干

來奔從車

五乘先是秦公子鍼

景公母弟

亦來奔其車千乘彤使與秦

公子同食皆百人之餽趙武

國語作韓宣子

曰秦公子富彤曰

底祿以德德鈞以年年同以尊公子以國不聞以富且

夫以千乘去其國彊禦已甚詩曰不侮鰥寡不畏彊禦

秦楚匹也十八年

昭二年

韓須如齊逆女齊陳無宇送女

致少姜公以其非卿執諸中都少姜為之請不許少姜

卒彤言陳無宇于公曰彼何罪君使公族逆之齊使上

大夫送之猶曰不共君求以貪國則不共而執其使君

刑已頗何以為盟主且少姜有辭乃歸陳無宇十九年

昭三齊侯使晏嬰請繼室于我公使肸許之既成昏晏

嬰受禮肸從之晏相與語肸曰齊其何如晏嬰曰此季

世也吾弗知齊其為陳氏矣公棄其民而歸于陳氏齊

舊四量豆區釜鍾四升為豆各自其四以登于釜

四豆為區

區斗六升四區為釜釜六斗四升

釜十則鍾

六斛四斗

陳氏三量皆登一焉

鍾乃大矣

豆區釜三等皆加舊量之一以五升為豆五豆為區五區為釜則區一斗釜八斗鍾八斛

以家量貸而以公量收之山木如市弗加于山魚鹽蜃

蛤弗加于海民參其力二入于公而衣食其一公聚朽

蠹而三老

上壽中壽下壽皆八十以上者

凍餒國之諸市屨賤踊貴

踊則

足者之屨民人痛疾而或煥休之其愛之如父母而歸之如

流水欲無獲民將焉辟之箕伯直柄虞遂伯戲

皆舜後陳氏之

先其相胡公大姬已在齊矣

胡公四人之後始封陳之祖大姬其妃也言陳氏將

有國其先祖鬼神已與胡公共在齊

盥曰然雖吾公室今亦季世也戎馬

不駕卿無軍行公乘無人卒列無長庶民罷散而宮室

滋侈道殣相望而女富溢尤民間公命如逃寇讐樂郤



胥原狐續慶伯

八姓晉舊臣之族

降在皂隸政在家門民無所依君曰

不悛以樂怛淫公室之卑其何日之有讒鼎之銘曰昧旦丕顯

後世猶怠況日不悛其能久乎晏嬰曰子將若何肸曰晉之

公族盡矣肸聞之公室將卑其宗族枝葉先落則公從之肸之

宗十一族唯羊舌氏在而已肸又無子

無賢子

公族無度幸而得

死豈其獲祀秋七月鄭罕虎來賀夫人且告曰楚人日徵敝

邑以不朝立王之故

楚靈王新立

往則畏執事謂寡君有外心不

往則宋之盟云

宋盟交相見

進退罪也寡君使虎布之韓起使肸

對曰君若辱有寡君在楚何害修宋盟也君苟思盟寡君  
乃知免于戾矣君若不有寡君雖朝夕辱于敝邑寡君猜焉  
君實有心何辱命焉君其往也苟有寡君在楚猶在晉也二

十一年昭五年韓起如楚送女肸為介鄭罕虎游吉勞諸索

氏游吉謂肸曰楚王汰侈已甚子其戒之肸曰汰侈已甚  
身之災也焉能及人若奉吾幣帛慎吾威儀守之以信  
行之以禮敬始而思終終無不復從而不失儀敬而不  
失威道之以訓辭奉之以舊法考之以先王度之以二

國雖汰侈若我何及楚楚子欲以韓起為閹

刑足使以守門

胙為司宮

加官刑

以辱我遂啟彊諷楚子楚子乃謝厚為

韓起禮又欲教胙以其所不知而不能亦厚其禮二十

二年

昭六年

鄭人鑄刑書胙使詒公孫僑書曰始吾有虞

于子今則已矣昔先王議事以制不為刑辟懼民之有  
爭心也猶不可禁禦是故閑之以義糾之以政行之以  
禮守之以信奉之以仁制為祿位以勸其從嚴斷刑罰  
以威其淫懼其未也故誨之以忠聳之以行教之以務

使之以和臨之以敬泣之以彊斷之以剛猶求聖哲之上明察之官忠信之長慈惠之師民于是乎可任使也而不生禍亂民知有辟則不忌于上並有爭心以徵于書而徵幸以成之弗可為矣夏有亂政而作禹刑商有亂政而作湯刑周有亂政而作九刑九刑或即呂刑三辟之興皆叔世也今吾子相鄭國作封洫立謗政賦作邱制參辟鑄刑書參辟謂用三代之法將以靖民不亦難乎詩曰儀式刑文王之德日靖四方又曰儀刑文王萬邦作孚如是何

辟之有民知爭端矣將棄禮而徵于書錐刀之末將盡  
爭之亂獄滋豐賄賂並行終子之世鄭其敗乎肱聞之  
國將亡必多制其此之謂乎僞復書曰若吾子之言僞  
不才不能及子孫吾以救世也既不承命敢忘大惠夏  
六月楚公子棄疾來聘報韓起也起之適楚楚人弗逆棄  
疾及晉竟公將亦弗逆肱曰楚辟我衷辟邪衷若何效  
辟詩曰爾之教矣民胥效矣從我而已焉用效人之辟  
書曰聖作則無寧以善人為則而則人之辟乎匹夫為

善民猶則之況國君乎公說乃逆之二十五年

昭九年周

甘人與閭嘉

晉閭大夫

爭閭田我率陰戎伐潁

周邑

王使詹

桓伯辭于我曰文武成康之建母弟以蕃屏周亦其廢

隊是為豈如弁髦而因以敝之

童子垂髦始冠必以弁故曰弁髦縹布冠也既

三加冠成禮棄其縹布之冠永不復用

后稷封殖天下今戎制之不亦難

乎胙謂韓起曰文之伯也豈能改物翼戴天子而加之  
以共自文以來世有衰德而暴滅宗周以宣示其侈諸  
侯之貳不亦宜乎且王辭直子其圖之韓起說乃致閭

田反潁俘平公薨事昭公昭公元年

昭十年

楚子召蔡靈

侯而殺之圍蔡韓起問于盼曰楚其克乎對曰克哉蔡

侯獲罪于其君

謂弑父而立

而不能其民天將假手于楚以

斃之何故不克然盼聞之不信以幸其可再也楚王奉

孫吳以討于陳曰將定而國陳人聽命而遂縣之今又

誘蔡而殺其君以圍其國雖幸而克必受其咎弗能久

矣桀克有緡以喪其國紂克東夷而隕其身楚小位下

而亟暴于二王能無咎乎天之假助不善非祚之也厚

其凶惡而降之罰也且譬之如天其有五材即五行而將

用之力盡而散之是以無拯不可沒振猶言沒不可復振夏五

月周單成公會韓起于戚視下言徐肸曰單子其將死

乎朝有著定朝內列位常處謂之表著會有表野會設表以為位衣有襜褕

有結襜褕領襜褕結帶結會朝之言必聞于表著之位所以昭事序

也視不過結襜之中所以道容貌也言以命之容貌以

明之失則有闕今單子為王官伯而命事于會視不登

帶言不過步貌不道容而言不昭矣不道不共不昭不



從

貌正曰共言順曰從

無守氣矣魯齊歸

昭公母

薨大蒐于比蒲及

葬魯侯不感肸曰魯公室其卑乎君有大喪國不廢蒐

有三年之喪而無一日之感國不恤喪不忌君也君無

感容不顧親也國不忌君君不顧親能無卑乎殆其失

國三年

昭十年

楚觀從

觀起之子

召公子比

即子干

公子黑肱

即子

晉元年子干奔晉子晉奔鄭

將為亂于楚公子比歸韓起問于肸曰

子干其濟乎對曰難起曰同惡相求如市賈焉何難對

曰無與同好誰與同惡取國有五難有寵而無人一也

有人而無主二也有主而無謀三也有謀而無民四也  
有民而無德五也子干在晉十三年矣晉楚之從不聞  
違者可謂無人族盡親叛可謂無主無釁而動可謂無  
謀為羈終世可謂無民亡無愛徵可謂無德王虐而不  
忌楚君子干涉五難以弑舊君誰能濟之有楚國者其

棄疾乎

棄疾楚平王名

君陳蔡城外屬焉苛慝不作盜賊伏隱

私欲不違民無怨心先神命之

共王以璧見于羣望曰當璧而拜者神所立乃

密埋璧于庭使五人入拜康王跨之靈王肘加焉子干子皙皆遠之平王再拜皆厭紐

國民信之

芊姓有亂必季實立楚之常也獲神一也有民二也今  
德三也寵貴四也居常五也有五利以去五難誰能害  
之子干之官則右尹也數其貴寵則庶子也以神所命  
則又遠之其貴亡矣其寵棄矣民無懷焉國無與焉將  
何以立起曰齊桓晉文不亦是乎對曰齊桓衛姬之子  
也有寵于僖有鮑叔牙賓須無隰朋以為輔佐有莒衛  
以為外主有高國以為內主從善如流下善齊肅不藏  
賄不從欲施舍不倦求善不厭是以有國不亦宜乎我

先君文公狐季姬之子也有寵于獻好學而不貳生十

七年有士五人有先大夫子餘

趙衰

子犯

狐偃

以為腹心有

魏犢賈佗以為股肱有齊宋秦楚以為外主有欒卻狐

先以為內主亡十九年守志彌篤惠懷棄民民從而與

之獻無異親民無異望天方相晉將何以代文此二君

者異于子干共有寵子國有與主

寵子與主并謂棄疾

無施于民

無援于外去晉而不送歸楚而不逆何以冀國晉成虎

祁宮名諸侯朝而歸者皆有貳心為魯取郟故

在十年

我將

以諸侯討魯肸曰諸侯不可以不示威乃并徵會告于  
吳吳子辭還秋七月遂合諸侯于平邱將尋盟齊人不  
可肸告于齊曰諸侯求盟已在此矣今君弗利寡君以  
為請對曰諸侯討貳則有尋盟若皆用命何盟之尋肸  
曰國家之敗有事而無業事則不經有業而無禮經則  
不序有禮而無威序則不共有威而無昭共則不明不  
明棄共百事不終所由傾覆也是故明王之制使諸侯

歲聘以志業

歲聘以修其職業

間朝以講禮

三年一朝王班爵之義率長幼之序

再朝而會以示威

六年一會以訓上下之則制財用之節

再會而盟以顯

昭明

十二年一盟所以昭信義凡八聘四朝再會王一巡守盟于方嶽之下

志業于好講

禮于等示威于衆昭明于神自古以來未之或失也存

亡之道恒由是興晉禮主盟懼有不治奉承齊犧

齊盟之犧

牲

而布諸君求終事也君曰余必廢之何齊之有唯君

圖之齊人懼對曰小國言之大國制之敢不聽從肸曰

諸侯有間矣不可以不示衆八月治兵建而不旆

建立旌旗

不曳其旆旆游也

旆而旆之

軍將戰則旆故復旆以恐之

諸侯畏之公以邾

莒愬故不見魯侯使盼往辭曰諸侯將以甲戌盟寡君  
知不得事君矣請君無勤魯人對曰君信蠻夷之訴以  
絕兄弟之國寡君聞命矣盼曰寡君有甲車四千乘在

雖以無道行之必可畏也況其率道其何敵之有牛雖

瘠僨于豚上其畏不死

僨仆也以瘠牛仆于小豚之上牛不畏豚之不死亦猶晉不畏

魯之不亡也

南蒯子仲之憂

子仲公子慙慙與南蒯謀季氏南蒯叛而慙奔齊

其庸

可棄乎若奉晉之衆用諸侯之師因邾莒杞鄆之怒  
以討魯罪間其二憂何求而弗克魯人懼聽命甲戌同

盟于平邱五年

昭十五年

荀躒如周葬穆后

大子壽之母

籍談為

介既葬除喪以荀躒宴樽以魯壺王讓晉不脩職貢無

彛器籍談歸以告肸肸曰王其不終乎吾聞之所樂必

卒焉今王樂憂若卒以憂不可謂終王一歲而有三年

之喪二焉

謂大子壽及穆后天子絕期唯服三年故后雖期通謂之三年喪

于是乎以

喪賓宴又求彛器樂憂甚矣且非禮也彛器之來嘉功

之由非由喪也三年之喪雖貴遂服禮也王雖弗遂宴

樂以早亦非禮也禮王之大經也一動而失二禮無大



經矣言以考典典以志經忘經而多言舉典將焉用之

左傳

盍卒子楊石初平公射鵪

鵪 小鳥

不死使豎襄搏之失公

怒拘將殺之盍聞之夕

夕至 于朝

公告之盍曰君必殺之昔

吾先君唐叔射兕于徒林殪以為大甲以封于晉今君

嗣吾先君唐叔射鵪不死搏之不得是揚吾君之耻者

也君其必速殺之勿令遠聞公忸怩乃趣赦之

說苑平公使叔向聘于吳吳人拭舟以逆之左右五

百人有繡衣而豹裘錦衣而狐裘者歸以告公公曰  
吳其亡乎奚以敬舟奚以敬民叔向對曰君為馳底  
之臺上可發千兵下可陳鐘鼓諸侯亦曰奚以敬臺  
奚以敬民所敬各異也公乃罷臺又曰公問叔向曰  
歲饑民疫翟人攻我將若何對曰歲饑來年反矣疫  
將止矣翟不足患也曰患有大于此者乎對曰夫大  
臣重祿而不諫近臣畏罪而不言左右顧寵于小官  
而君不知此患之大者也公曰善韓非子叔向御坐

平公請事公腓痛足痺轉筋而不敢壞坐高士傳亥  
唐晉人也平公與亥唐坐亥唐出叔向入平公伸足  
曰向與亥唐坐腓痛足痺不敢伸叔向勃然不說公  
曰亥先生無欲也吾非正坐無以養之子何不說乎

肸見女叔齊之子

齊即司馬侯其子蓋即女叔寬

撫而泣之曰自此其

父之死吾蔑與比而事君笑者此其父始之我終之

我始之夫子終之無不可籍偃

籍季之子

在側曰君子有比

乎肸曰君子比而不別比德以贊事比也引黨以封已

利己而忘君別也。胥嘗見韓起，韓起憂貧，胥賀之，起曰：

「吾有卿之名而無其實，無以從二三子。吾是以憂。子賀

我何故對曰：昔欒武子

樂書

無一卒之田，其官不備，其宗

器

宗廟祭器

宣其德行，順其憲則，使越于諸侯，諸侯親之。戎

狄懷之以正，晉國行刑不疚，以免于難。及桓子

書之

驕，泰

奢侈，貪欲無藝，略則行志，假貸居賄，宜及于難。而賴武

之德，以沒其身。及懷子

齊之

改桓之行而修武之德，可

以免于難。而離桓之罪，以亡于楚。夫郤昭子

郤其富

富

半公室其家半三軍恃其富寵以泰于國其身尸于朝  
其宗戮于絳不然夫八郤五大夫三卿其寵大矣一朝  
而滅莫之哀也唯無德也今吾子有樂武子之貧吾以  
為能其德矣是以賀若不憂德之不建而患貨之不足  
將弔不暇何賀之有趙鞅嘗曰魯孟獻子有鬬臣五人  
我無一何也肸曰子不欲也若欲之肸也待交梓可也

國語

新序趙文子問于叔向曰晉六將軍孰先亡乎對曰

中行氏乎中行氏之為政也以苛為察以欺為明以刻為忠以計多為善以聚斂為良譬之猶鞅革者也  
大則大矣裂之道也說苑韓平子問于叔向曰剛與柔孰堅曰臣年八十矣齒再墮而舌尚存知柔之堅于剛也韓非子叔向賦獵功多者受多功少者受少  
羊舌鮒字叔魚彤之弟也平公三年昭十年平公合諸侯于平丘鮒攝司馬次于衛地鮒求貨于衛淫芻蕘者淫縱  
也衛使饋彤羹與一簋錦曰諸侯事晉未敢攜貳況衛

在君之宇下而敢有異志芻蕘者異于他日敢請之胙  
受羹反錦曰晉有羊舌鮒者瀆貨無厭亦將及矣為此  
役也子若以君命賜之其已客從之未退而禁之我以

邾莒故執魯季孫意如既而歸之意如請從于會

欲得盟會

見達不欲私去

士匄患之謂胙曰子能歸季孫乎對曰不能鮒

也能乃使鮒鮒見意如曰昔鮒也得罪于晉君自歸于

魯君

蓋坐叔虎樂盈事

微武子

意如之祖季孫宿

之賜不至于今雖獲

歸骨于晉猶子則肉之敢不盡情歸子而不歸鮒也聞

諸吏將為子除館于西河其若之何且泣意如懼遂先

歸邢侯

楚申公巫臣之子

與雍子

亦故楚人

爭鄆田久而無成四年

昭十四年理官士彌牟如楚鮒攝理韓起命斷舊獄罪在雍

子雍子納其女于鮒鮒蔽罪邢侯

曲斷其罪也

邢侯怒殺鮒

與雍子于朝韓起問其罪于肸肸曰三人同罪施生戮

死可也

施行罪也

雍子自知其罪而賄以買直鮒也鬻獄邢

侯專殺其罪一也已惡而掠美為昏貪以敗官為墨殺

人不忌為賊夏書曰昏墨賊殺皋陶之刑也請從之乃



施邢侯而尸雍子與鮒于市仲尼曰叔向古之遺直也

治國制刑不隱于親三數叔魚之罪

平邱之會數其賄也歸魯季孫稱其

詐也邢侯之獄言其貪也

不為未減曰義也夫可謂直矣楊石字伯

石又名楊食我彤之子也頃公十二年

昭二十八年

祁盈專

殺頃公殺盈及食我食我黨盈而助亂也遂滅祁氏羊

舌氏

左傳

事見祁盈傳

史記晉之宗家祁奚孫叔嚮子相惡于君六卿欲弱

公室乃遂以法盡滅其族而分其邑為十縣各令其子為大夫

論曰或謂春秋莫賢于子產予曰其叔向乎美足以正君知足以周物水德盈科無所慊焉疇能及之然知其無子不獲終祀而義短石碣私討不及豈三數弟魚不能加諸食我哉

慶鄭 蛾析 梁由靡 虢射 家僕徒

司馬說附

慶鄭者晉之舊姓也梁由靡虢射家僕徒蛾析並為晉

大夫事惠公惠公許賄秦五城既入而背之惠公四年

僖十三年

我饑秦輸之粟明年秦饑使乞糴于我我弗與慶

鄭曰背施無親幸災不仁貪愛不祥怒鄰不義四德皆

失何以守國虢射曰皮之不存毛將安傅

皮以喻所許秦城毛以喻

糴慶鄭曰棄信背鄰患孰恤之無信惠作失援必斃是

則然矣虢射曰無損于怨而厚于寇不如勿與慶鄭曰

背施幸災民所棄也近猶讎之况怨敵乎弗聽退曰君

其悔是哉六年

僖十五年

秦伯伐我及韓公謂慶鄭曰寇深

矣若之何對曰君實深之可若何公曰不孫卜右慶鄭

吉弗使使步揚

卻離之父

御戎家僕徒為右乘小駟鄭入也

慶鄭曰古者大事必乘其產生其水土而知其人心安

其教訓而服習其道唯所納之無不如志今乘異產以

從戎事及懼而變將與人易亂氣狡僨陰血周作張脉

僨興外疆中乾進退不可周旋不能君必悔之弗聽戰

于韓原晉戎馬還潁而止公號慶鄭鄭曰愼諫違卜固

敗是求又何逃焉遂去之梁由靡御韓簡

韓簡晉卿  
韓萬之孫號

射為右輅秦伯將止之

輅迎也

慶鄭以救公誤之遂失秦

伯而秦乃獲公以歸

左傳

冬十一月秦伯將歸公未至蛾

析謂慶鄭曰君之止子之罪也今君將來子何俟慶鄭  
曰鄭也聞之曰軍敗死之將止死之二者不行又重之  
以誤人而喪其君有大罪三將安適君若來將待刑以  
快君志君若不來將獨伐秦不得君必死之此所待也  
臣得其志而使君薨是犯也

薨慙犯逆也

君行犯猶失其國

而况臣乎公止于絳郊聞慶鄭止使家僕徒召之曰鄭

也有罪猶在乎慶鄭曰臣怨君始入而報德不降

韋注不自

降下而背秦惡意謂秦兵不東降而伐晉

降而聽諫不戰戰而用良不敗既

敗而誅又失有罪不可以封國臣是以待即刑以成君

政公曰刑之慶鄭曰下有直言臣之行也上有直行君

之明也臣行君明國之利也君雖弗刑必自殺也蛾析

諫曰臣聞之奔刑之臣不若教之以報讎君盍赦之以

報于秦梁由靡曰不可我能之秦豈不能且戰不勝而

報之以賊不武出戰不克入處不安不知成而反之不

信失刑亂政不威出不能用入不能治敗國且殺孺子

孺子子圍也秦復惠公而質子圍言伐秦秦必殺之

不若刑之公曰斬鄭無使自

殺家僕徒諫曰有君不忌有臣死刑其聞賢于刑之梁由靡曰夫君政刑是以治民不聞命而擅進退犯政也快意喪君犯刑也鄭也賊而亂國不可失也且戰而自退退而自殺臣得其志君失其刑後不可用也公命司

馬說

軍司馬說其名也

刑之司馬說進三軍之士而數慶鄭曰

夫韓之誓曰失次犯令死將止不面夷死

將為敵獲而面不受傷者

死偽言誤衆死今鄭失次犯令而罪一也鄭擅進退而罪二也女誤梁由靡使失秦而罪三也君親止女不面夷而罪四也鄭也就刑慶鄭曰說三軍之士皆在有人能坐待刑而不能面夷趣行事乎遂斬鄭

國語

梁由靡號射逮事獻公獻公二十四年

僖七年

里克伐狄

梁由靡御號射為右敗狄于采桑梁由靡曰狄無耻從之必大克里克曰懼之而已無速衆狄號射曰期年狄必至示之弱矣明年狄果伐我

左傳



顛頡 舟之僑 祁瞞

顛頡事公子重耳驪姬之難頡從重耳出亡賢而有功

卒相重耳反晉國文公五年

僖二十八年

公入曹令無入僖

負羈之宮而免其族報施也

文公過曹負羈饋餼置壁

頡及魏犢怒

曰勞之不圖報于何有執僖負羈氏公舍魏犢而殺頡

以徇于師立舟之僑為戎右以代魏犢夏四月我師敗

楚師于城濮濟河舟之僑先歸既入殺舟之僑以徇于

國是役也祁瞞奸命中軍風于澤

牛馬相風而走皆失之

亡大旆

之左旃司馬殺之徇于諸侯民于是大服君子謂文公

其能刑矣三罪而民服

左傳

舟之僑者故事號公以其族適晉而號亡

見號志

祁瞞祁

氏族

韓非子公問于狐偃曰寡人甘肥周于堂庖酒豆肉

集于宮殺一牛遍于國中一歲之功盡以衣士卒足

以戰乎曰不足公曰弛關市之征而緩刑罰足以戰

乎曰不足公曰吾民有喪者使郎中視事有罪者赦

之貧窮不足者與之足以戰乎曰不足此皆所以慎  
產也而戰之者殺之也民之從公為慎產也因而迎  
殺之失所以從公矣曰然則如何曰令無得不戰公  
曰無得不戰奈何曰信賞必罰其足以戰公曰刑罰  
之極安至曰不辟親貴法行所愛公曰善明日田于  
圃陸顛頡後期遂斬以徇而百姓皆懼 此說獨異

### 李離

李離者文公之理也過聽殺人自拘當死公曰官有貴

賤罰有輕重下吏有過非子之罪也離曰臣居官為長  
不與吏讓位受祿為多不與下分利今過聽殺人傳其  
罪下吏非所聞也辭不受令公曰子自以為有罪寡人  
亦有罪邪離曰理有法失刑則刑失死則死公以臣能  
聽微決疑故使為理今過聽殺人罪當死遂不受令伏  
劍而死

史記

新序李離曰君量能而授官臣奉職而任事君命曰  
必以仁義輔政寧過于生勿失于殺臣受命不稱墜

惠蔽恩如臣之罪乃當死君何道乎今離刻深不顧  
仁義信文墨不察是非聽他辭不精事實掠服無罪  
使百姓怨怨積于百姓惡揚于天下權輕于諸侯如  
臣之罪是當重死文公曰吾聞之也直而不枉不可  
與往方而不圓不可與長存願子以此聽寡人也離  
曰君以所私害公法殺無罪而生當死二者非所以  
教于國也離不敢受命

論曰武事尚信慶鄭之誅三罪之服均于信矣而惠公

有私焉非中于刑也慶鄭快意喪君雖待以即刑非李  
離之亞已

尚史卷四十二

欽定四庫全書

尚史卷四十三

列傳二十一

鑲白旗漢軍李鎔撰

晉諸臣傳

胥臣 胥甲父 胥克 胥童

胥臣一曰曰季字季子嘗為司空又曰司空季子初從

公子重耳出亡及入秦秦伯歸女五人懷嬴與焉

懷嬴故子

國公子欲辭胥臣曰同姓為兄弟黃帝之子二十五人

其同姓者二人而已唯青陽與夷鼓皆為己姓青陽方

雷氏之甥也

方雷西陵氏之姓黃帝取于西陵氏之子曰累祖實生青陽雷累同

夷鼓彤

魚氏之甥也

彤魚國名

其同生而異姓者四母之子別為十

二姓凡黃帝之子二十五宗其得姓者十四人為十二

姓

十四人二人為姬二姓人為己故十二姓

姬酉祁已滕歲任荀僖姁倮依

是也唯青陽與倉林氏同于黃帝故皆為姬姓同德之

難也如是昔少典取于有蟠氏

少典黃帝神農之先有蟠諸侯也或謂少典黃

帝神農之父非是

生黃帝炎帝黃帝以姬水成炎帝以姜水成



成而異德故黃帝為姬炎帝為姜二帝用師以相濟也  
異德之故也異姓則異德異德則異類異類雖近男女  
相及以生民也同姓則同德同德則同心同心則同志  
同志雖遠男女不相及畏黷敬也黷則生怨怨亂毓災  
災毓滅姓是故取妻避其同姓畏亂災也故異德合姓  
同德合義義以道利利以阜姓姓利相更成而不遷乃  
能攝固保其土房今子于子園道路之人也取其所棄  
以濟大事不亦可乎公子親筮之曰尚有晉國得貞屯

悔豫皆八也

內曰貞外曰悔震下坎上屯坤下震上豫得此兩卦震在屯為貞在豫為悔八謂震

兩陰爻在貞在悔皆不動故曰皆八謂爻無為也

筮史占之皆曰不吉閉而不

通爻無為也

震為動動遇坎坎為險阻閉塞不通無所為也

胥臣曰吉是在易

皆利建侯

屯初九曰利建侯豫大

不有晉國以輔王室

安能建侯我命筮曰尚有晉國筮告我曰利建侯得國

之務也吉孰大焉震車也坎水也坤土也屯厚也豫樂

也車班外內順以訓之

班外內者屯之內有震豫之外亦有震坤順也豫內為坤屯上

與四亦為坤

泉原以資之土厚而樂其實不有晉國何以當

之震雷也車也坎勞也水也衆也主雷與車而尚水與衆車有震武也衆而順文也文武具厚之至也故曰屯

其繇曰元亨利貞勿用有攸往利建侯利主震雷長也

故曰元衆而順嘉也故曰亨內有震雷故利貞

震以動之利也

侯以正國貞也

車上水下必伯

車動而上威也水動而下

小事

不濟壅也故曰勿用有攸往

小事小人之事震動而一遇坎坎為險阻故曰壅一

夫之行也

易曰震一索而得男故曰一夫又曰震作足故為行也

衆順而有武威

故曰利建侯坤母也震長男也母老子彊故曰豫其繇

曰利建侯行師居樂出威之謂也

居樂母在內也出威震在外也居樂故利

建侯出威故利行師

是二者得國之卦也公子果入是為文公文

公六年

僖二十八年

公問元帥于趙衰對曰先軫有謀胥臣

多聞皆可以為輔臣弗若也乃使先軫將中軍胥臣佐

下軍

國語

夏四月楚圍宋我救之楚師次于城濮我師陳于莘北

胥臣以下軍之佐當陳蔡蒙馬以虎皮先犯陳蔡陳蔡

奔楚右師潰既而狐毛先軫夾攻楚左師左師亦潰楚

師敗績襄公元年

僖三十三年

我敗狄于箕卻缺獲白狄子

初胥臣舉卻缺及是公以再命命先茅之縣賞胥臣曰

舉卻缺子之功也二年

文元年

胥臣及先且居伐衛取戚

獲孫昭子

傳失名

六年

文五年

胥臣卒

左傳

文公當學讀書于胥臣三日曰吾不能行也

咫咫間也

則多矣對曰然而多聞以待能者不猶愈乎又問于胥

臣曰吾欲使陽處父傳謹也

謹襄公名

而教誨之其能善之

乎對曰是在謹也蘧蒢不可使俛戚施不可使仰僬僬

不可使舉侏儒不可使援矇矇不可使視囂瘖不可使  
言聾聵不可使聽僮昏不可使謀質將善而賢良贊之

則濟可竢也若有違質教將不入其何善之為臣聞昔

者太任娠文王不變

不變動也

少濬于豕牢而得文王

少濬小便

豕牢

不加病焉文王在母不憂在傅不勤處師弗煩事

王不怒敬友二號

文王弟號仲號叔也

而惠慈二蔡

文王子管叔初亦為蔡

刑于大姒比于諸弟詩云刑于寡妻至于兄弟以御于  
家邦于是乎用四方之賢良及其即位也詢于八虞而

咨于二虢度于閼天而謀于南宮諏于蔡原而訪于辛

尹

蔡公元公辛甲尹佚皆周大夫

重之以周召畢榮億寧百神而柔和

萬民故詩曰惠于宗公神罔時恫是則文王非專教誨

之力也公曰然則教無益乎對曰胡為文益其質故人

生而學非學不入公曰奈夫八疾何對曰官師之取材

也戚施直鑄

直主擊鑄鑄鍾也

籒籒蒙璆

蒙戴也璆玉磬也

侏儒扶盧

扶緣

也盧予戟之秘緣之以為戲

矇矇修聲

無目于音聲審

聾聵司火

耳無聞于視審

僮

昏囂瘖僂僇官師匪不材也以實喬土夫教者因體能

質而利之者也若川然有原以印浦而後大

國語

說范文公見咎季其廟傳于西牆公曰孰處而西對  
曰君之老臣也公曰西益而宅對曰臣之忠不如老  
臣之力其牆壞而不築公曰何不築對曰一日不稼  
百日不食公出而告之僕僕頓首于軫曰呂刑云一  
人有慶兆民賴之君之明羣臣之福也乃令于國曰  
毋淫宮室以妨人宅板築以時無奪農功

胥臣子甲父



胥甲父胥臣之子也事靈公靈公六年

文十二年

秦伐我取

羈馬我禦之甲父佐下軍以從秦師于河曲及秦師將遁史駢請薄諸河甲父及趙穿當軍門呼曰死傷未收而棄之不惠也不待期而薄人于險無勇也乃止秦師

夜遁十三年

宣元年

討河曲之戰不用命者放甲父于衛

而立其子克克有蠱疾卻缺為政廢克使趙朔佐下軍克子童又名胥之昧為大夫嬖于厲公童以克之廢也

怨卻氏厲公七年

成十七年

公將去諸大夫童曰必先三卻

族大多怨去大族不偪敵多怨有庸公曰然使童帥甲  
八百將攻郤氏會長魚矯襲殺三郤童以甲劫欒書中  
行偃于朝已而欒書中行偃執公遂殺童胥氏由是不

嗣左  
傳

胥梁帶

胥梁帶為大夫事平公齊烏餘齊大夫以廩丘來奔襲衛

羊角及魯高魚皆取之又取邑于宋諸侯弗能治也及  
趙武為政乃言于公曰晉為盟主諸侯或相侵也則討

而使歸其地今烏餘之邑皆討類也而貪之是無以為

盟主也請歸之公曰諾孰可使也對曰胥梁帶能無用

師公使往胥梁帶使諸喪邑者具車徒以受地必周

周密

也必密來勿以受地為名使烏餘具車徒以受封烏餘以其衆出使

諸侯偽效烏餘之封者而遂執之盡獲之皆取其邑而

歸諸侯

左傳

陽處父

賈佗甯嬴附

陽處父為大夫初事文公使傅大子文公九年

僖三十二年

楚使請平于我處父報之晉楚始通冬文公薨襄公立

處父為大傅襄公元年

僖三十三年

我獲秦三帥既而舍之

先軫怒公使處父追之及諸河則在舟中矣釋左騾以

公命贈百里視視覺之卒不反處父侵蔡楚鬬勃救之

與我師夾泚而軍處父患之使謂鬬勃曰吾聞之文不

犯順武不違敵子若欲戰則吾退舍子濟而陳遲速唯

命不然紓我老師費財亦無益也乃駕以待鬬勃退舍

處父宣言曰楚師遁矣遂歸楚師亦歸楚于是殺鬬勃

三年文二年魯文公即位我以不朝討魯魯侯來朝使處

父盟魯侯以耻之四年文三年楚圍江處父及周王叔桓

公伐楚以救江門于方城遇息公子朱而還六年文五年

處父聘于衛明年公蒐于夷舍二軍先是晉作五軍今舍二軍復三軍之

制使狐射姑將中軍趙盾佐之處父至自溫改蒐于董

易趙盾將中軍處父趙衰之屬也故黨于趙氏且謂趙

盾能曰使能國之利也是以上之趙盾于是始為國政

既成以授處父與賈佗使行諸國以為常法秋八月襄

公薨靈公少未立狐射姑怨處父之易其班也而知其無援于晉也使狐鞫居殺處父

公羊君將使射姑將陽處父諫曰射姑民衆不說不可使將射姑入君謂射姑曰陽處父言曰射姑民衆不說不可使將射姑怒出刺陽處父于朝而走穀梁晉將與狄戰使狐夜姑為將軍趙盾佐之陽處父曰不可古者君之使臣使仁者佐賢者不使賢者佐仁者今趙盾賢夜姑仁襄公謂夜姑曰吾始使盾佐女

今女佐盾矣襄公死處父主竟上事夜姑使人殺之

甯有嬴氏者為逆旅大夫處父之聘于衛也反過甯

晉邑

甯嬴從之及溫而還其妻問之嬴曰以剛商書曰沉潛  
剛克高明柔克夫子壹之其不没乎天為剛德猶不干  
時況在人乎且華而不實怨之所聚也犯而聚怨不可  
以定身余懼不獲其利而離其難是以去之

左傳

國語陽處父舍于逆旅甯嬴氏嬴謂其妻曰吾求君  
子久矣乃今得之舉而從之陽子道與之語及山而

還其妻曰子得所求而不從之何其懷也曰吾見其貌而欲之聞其言而惡之夫貌情之華也言貌之機也身為情成于中言身之文也言文而發之合而後行離則有釁今陽子之貌濟其言匱非其實也若不濟而外彊之其卒將復中外易矣若外內類而言反之瀆其信也夫言以昭信奉之如機厯時而發之胡可瀆也今陽子之情謏矣以濟蓋也且剛而主能不本而犯怨之所聚也吾懼未獲其利而及其難是



故去之

賈佗初以公族從文公出亡後為晉太師

杜預注

箕鄭父

箕鄭父為大夫事文公晉饑公問于鄭父曰救饑何以對曰信公曰安信對曰信于君心信于名信于令信于事公曰然則若何對曰信于君心則美惡不踰信于民則上下不干信于令則時無廢功信于事則民從事有業于是乎民知君心貧而不懼藏出如入何匱之有公

使為箕大夫

韓非子畧同又曰文公出亡箕鄭挈壺餐而從迷而失道與公相失飢而寢不敢食及公反國攻原拔之公曰夫輕饑餒之患而必全壺餐是將不以原叛乃以為原令大夫渾軒聞而非之曰以不動壺餐信其不叛不亦無術乎

文公八年

僖三十一年

蒐于清原作五軍使鄭父佐新上軍

國語

七年

文六年

襄公薨明年秦送公子雍趙盾背雍而立靈

公以禦秦師鄭父居守夷之蒐也

在文六年

襄公將登鄭父

將上軍先克沮之及靈公即位鄭父使賊殺先克晉殺

鄭父

左傳

論曰處父之難先克之死與三郤同卒以射姑亡命箕

鄭殺身而胥臣沈族君且從焉書曰怨不在大樹怨以

崇禍誰能救之至若剛而干時犯而聚怨亦天之所厭

與

史駢

史駢者趙盾屬大夫襄公七年

文六年

狐射姑

即賈季

使狐

鞠居之殺陽處父也晉殺狐鞠居射姑懼討奔狄趙盾

使駢送其帑

射姑為中軍佐與盾同官

夷之蒐

在今年春

射姑戮駢駢之

人欲盡殺賈氏以報焉駢曰不可吾聞前志有之曰敵

惠敵怨不在後嗣忠之道也夫子禮于賈季我以其寵

報私怨無乃不可乎介人之寵非勇也損怨益仇非知

也以私害公非忠也釋此三者何以事夫子盡具其帑

與其器用財賄親帥扞之送致諸竟靈公六年

文十年秦

伐我取羈馬趙盾禦之駢佐上軍以從秦師于河曲駢

曰秦不能久請深壘固軍以待之從之會秦軍掩我上

軍趙穿

趙風庶孫

追之不及怒軍吏曰將有待也穿曰我不

知謀將獨出以其屬出乃皆出戰交綏

退軍為綏

秦行人夜

戒我師曰兩軍之士皆未憖也

憖缺也

明日請相見也駢

曰使者目動而言肆懼我也將遁矣薄諸河必敗之趙

穿不可乃止秦師夜遁

左傳

解揚

鄆魁  
壘附

解揚者為大夫事靈公靈公少趙盾為政靈公二年

八年

年公使揚歸匡戚之田于衛且復致公壻池

晉君壻

之封

自申至于虎牢之竟十三年

宣元年

楚侵陳宋趙盾帥師

救陳宋會于榘林以伐鄭楚救鄭遇于北林因揚我師

乃還景公六年

宣十五年

楚圍宋宋告急于我公欲救之伯

宗

晉大夫

諫乃止使揚如宋

揚反晉傳不載

使無降楚曰晉師悉

起將至矣鄭人因而獻諸楚楚子厚賂之使反其言不

許三而許之登諸樓車使呼宋人而告之遂致其君命  
楚子將殺之使與之言曰爾既許不穀而反之何故非  
我無信女則棄之速即爾刑對曰臣聞之君能制命為  
義臣能承命為信信載義而行之為利謀不失利以衛  
社稷民之主也義無二信信無二命君之賂臣不知命  
也受命以出有死無實又可賂乎臣之許君以成命也  
死而成命臣之祿也寡君有信臣下臣獲考考成也死又  
何求楚子舍之以歸又有鄢魁壘者晉士也出公四年

悼四 荀瑶圍鄭鄭人俘魁壘賂之以執政使反為鄭魁

壘閉其口而死

左傳

### 苗賁皇

苗賁皇者楚鬬椒之子

國語賁作楚

成公二年

宣四年

楚子滅

若敖氏

即鬬椒

賁皇奔晉晉人與之苗

晉邑

是為苗賁皇為

大夫成公薨事景公十一年

成二年

敗齊師于鞏明

年齊侯來卻克獻之以得隕命之禮

伐國獲君是謂隕命

曰寡君

使克也不腆敝邑之禮為君之辱敢歸諸下執政以愆



御人

慙願也御人婦人也言願以此報君婦人之笑已者

賁皇曰郤子勇而不知

禮

言齊雖敗頃公不見得非隕命也

矜其伐而耻國君其與幾何

國語

景公薨事厲公厲公六年

成十六年

公伐鄭楚救之遇于鄢

陵楚子登巢車

車上為櫓

以望我軍伯州犂

故晉伯宗子前年奔楚

侍

楚子後以公卒告楚子賁皇在公之側亦以楚子之卒

告皆曰國士在

國士謂伯州犂

且厚不可當也賁皇言于公曰

楚之良在其中軍王族而已請分良以擊其左右而三

軍萃于王卒必大敗矣

左傳

伯宗

夏陽  
說附

伯宗者

穀梁作  
伯尊

大夫孫伯糾之子也

伯糾系未詳  
韋昭注

景公

六年

宣十  
五年

楚圍宋宋告急于我公欲救之伯宗曰不可

古人有言曰雖鞭之長不及馬腹天方授楚未可與爭

雖晉之彊能違天乎諺曰高下在心川澤納汙山藪藏

疾瑾瑜匿瑕國君含垢天之道也君其待之乃止潞子

嬰兒之夫人公之姊也鄭舒

潞之  
相

為政而殺之又傷潞

子之目公將伐之諸大夫皆曰不可鄭紆有三僞才不

如待後之人伯宗曰必伐之狄有五罪僞才雖多何補

焉不祀一也耆酒二也棄仲章

潞賢人

而奪黎民

黎侯國

地

三也虐我伯姬四也傷其君目五也怙其僞才而不以  
茂德茲益罪也後之人或者將敬奉德義以事神人而  
申固其命若之何待之不討有罪曰將待後後有辭而  
討焉母乃不可乎夫恃才與衆亡之道也商紂由之故  
滅天反時為災地反物為妖民反德為亂亂則妖災生  
故文反正為乏盡在狄矣公從之滅潞夏陽說者亦晉

大夫十五年

成六年

伯宗夏陽說及衛人鄭人侵宋師于

鍼衛人不保

不守備也

說欲襲衛曰雖不可入多俘而歸有

罪不及死伯宗曰不可衛唯信晉故師在其郊而不設

備若襲之是棄信也雖多衛俘而晉無信何以求諸侯

乃止厲公時三郤害伯宗譖而殺之伯宗子州犇奔楚

韓厥曰郤氏其不免乎善人天地之紀也而驟絕也不

亡何待

左傳

論曰解揚廷楚伯宗保衛皆所以成其信也說而入有

風澤之象焉是以豚魚吉也駢不敵怨長者自居而非趙孟之心乎

張老 籍偃 鐸遏寇

張君臣附

張老字孟籍偃字游及鐸遏寇並為大夫厲公八年

成十

年悼公即位知張老之知而不詐也使為元候

即中軍候奄主

斤候之官知鐸遏寇之恭敬而信彊也使為興尉

即上軍尉知籍

偃之惇率舊職而共給也使為興司馬

即上軍司馬

始合諸

侯于虛打

宋地

以救宋使張老延君譽于四方且觀道逆

者

觀察諸侯之道  
德與逆亂者

二年

襄三  
年

公使張老為卿辭曰臣不

如魏絳夫絳之知能治大官其仁可以利公室不忘其

勇不疚于刑其學不廢其先人之職若在卿位外內必

平且難邱之會

傳作難  
澤衛地

其官不犯

幾楊  
干也

而辭順不可不

賞也公五命之固辭乃使為司馬使魏絳佐新軍士甸

與蘇大夫爭田久而無成甸欲攻之問于張老張老曰

老也以軍事承子非戎則非吾所知也問于籍偃籍偃

曰偃以斧鉞從于張孟曰聽命焉若夫子之命也何貳

之有釋夫子而舉是反吾子也

夫子謂張老  
吾子謂士句

趙武為室

斲其椽而磬之張老夕焉而見之不謁而歸武聞之駕

而往曰吾不善子亦告我何其速也對曰天子之室斲

其椽而磬之加密石焉

密理石  
謂砥也

諸侯磬之

無密石

大夫斲

之不士首之

斲其  
首

備其物義也從其等禮也今子貴而

忘義富而忘禮吾懼不免何敢以告趙武歸令勿磬匠

人請皆斲之曰止為後世之見之也其斲者仁者之為

也其磬者不仁者之為也

國語

既成室晉大夫發焉張老曰美哉輪焉美哉奐焉歌于斯哭于斯聚國族于斯趙武曰武也得歌于斯哭于斯聚國族于斯是全要領以從先大夫于九京也北面再

拜稽首

記檀弓

張老子張君臣平公元年

襄十六年

代其父為中軍司馬籍

偃籍季之子也其八世祖孫伯黶為晉正卿籍偃當士

勾逐樂盈時被囚既而免之

左傳

籍偃子籍談鐸遏寇他事不具載



籍談 籍秦

籍談字叔籍偃之子也事昭公昭公五年

昭十五年

荀躒

即知

文子如周葬穆后談為介既葬除喪以荀躒宴樽以魯壺

王曰伯氏諸侯皆有以鎮撫王室晉獨無有何也荀躒

揖談對曰諸侯之封也皆受明器于王室以鎮撫其

社稷故能薦彛器于王晉居深山戎狄之與鄰而遠于

王室王靈不及拜戎不暇其何以獻器王曰叔氏而忘

諸乎叔父唐叔成王之母弟也其反無分乎密須之鼓

與其大路文所以大蒐也

密須姑姓國文王伐之得其鼓路以蒐

闕鞏之

甲武所以克商也

闕鞏國名

唐叔受之以處參虛

實沈之次晉之分野

匡有戎狄其後襄之二路鉞鉞鉅鬯彤弓虎賁文公受之以有南陽之田撫征東夏非分而何夫有勲而不廢有績而載奉之以土田撫之以彝器旌之以車服明之以文章子孫不忘所謂福也福祚之不登叔父焉在且昔而高祖孫伯鷹司晉之典籍以為大政故曰籍氏及辛有之二子董之晉于是乎有董史女司典之後也何

故忘之談不能對賓出王曰籍父其無後乎數典而忘

其祖昭公薨事頃公頃公六年

昭二十二年

景王崩悼王立

子朝作亂王次于皇談及荀躒帥九州之戎及焦瑕溫

原之師納王于王城悼王崩敬王立談軍于陰荀躒軍

于侯氏我師取前城明年圍郊郊鄆潰我師在平陰子

朝敗王使告間

使告間  
暇于晉

乃還談子秦秦事頃公為上軍

司馬頃公十一年

昭二十七年

士鞅會于扈令戍周冬十二

月秦致諸侯之戍于周頃公薨事定公定公九年

定七年

王以僭嗣之難處于姑猶

周地

單武公劉桓公逆王秦送

王入于王城十五年

定十三年

趙鞅殺邯鄲午午子稷以邯

鄲叛秦圍之既而范中行氏

即荀寅士吉射

逐趙鞅韓魏

韓不信魏

曼多

反逐范中行氏秦黨范氏從范氏出奔

出奔事傳注俱不分明

明年晉敗范中行氏之師于潞

秦地

獲秦籍氏遂不嗣

左傳

論曰張老讓魏絳以卿折士句以正規趙武以不善知

而不詐又多聞焉籍氏忘祖景王譏之然失禮樂憂又

且來天下之口也

女叔齊 女寬

閭明  
司馬叔游附

女叔齊是為司馬侯為大夫事悼公公與齊升臺而望  
曰樂夫對曰臨下之樂則樂矣德義之樂則未也公曰  
何謂德義對曰諸侯之為日在君側以其善行以其惡  
戒可謂德義矣公曰孰能對曰羊舌肸習于春秋乃使  
肸傳太子彪平公名悼公薨事平公士匄與酈大夫爭田  
欲攻之齊見曰聞吾子有酈之怒吾以為不信諸侯皆  
有貳心是之不憂而怒酈大夫非子之任也

國語

平公十一年襄二十六年衛甯喜弑衛侯剽而納獻公趙武

為會于澶淵以討衛執甯喜北宮遺使齊以先歸十四

年襄二十九年使齊如魯治杞田平公母杞女故使魯歸前侵杞田弗盡歸

也悼夫人愠曰齊也取貨先君若有知也不尚取之不尚

齊之取貨公告齊齊曰虞虢焦滑霍揚韓魏皆姬姓也八國皆晉

所滅晉是以大若非侵小將何所取武獻以下兼國多矣

誰得治之杞夏餘也而即東夷魯周公之後也而睦于

晉以杞封魯猶可而何有焉魯之于晉也職貢不乏玩

好時至公卿大夫相繼于朝史不絕書府無虛月如是

可矣何必瘠魯以肥杞且先君而有知也母寧夫人而

焉用老臣

言先君母寧怪夫人之所為無用責我

二十年

昭四年

楚子使椒

舉來求諸侯

欲專會諸侯

公欲勿許齊曰不可楚王方侈天

或者欲逞其心以厚其毒而降之罰未可知也其使能

終亦未可知也晉楚唯天所相不可與爭君其許之而

修德以待其歸若歸于德吾猶將事之況諸侯乎若適

淫虐楚將棄之吾又誰與爭公曰晉有三不殆其何敵

之有國險而多馬齊楚多難有是三者何鄉而不濟對

曰恃險與馬而虞鄰國之難是三殆也四嶽岱華衡恒三塗

大行轅  
轅峭崿

陽城山

大室

即嵩  
高山

荆山中南

即終  
南山

九州之險也

是不一姓冀之北土馬之所生無興國焉恃險與馬不

可以為固也從古以然是以先王務修德音以享神人

不聞其務險與馬也鄰國之難不可虞也或多難以固

其國啟其疆土或無難以喪其國失其守宇若何虞難

齊有仲孫

即公孫  
無知

之難而獲桓公至今賴之晉有里平



之難而獲文公是以為盟主衛邢無難敵亦喪之

閔二年狄

滅衛傷二十五年衛滅邢

故人之難不可虞也恃此三者而不修政

德亡于不暇又何能濟君其許之紂作淫虐文王惠和

殷是以隕周是以興夫豈爭諸侯乃許楚使使羊舌肸

對曰寡君有社稷之事是以不獲春秋時見諸侯君實

有之何辱命焉二十一年

昭五年

魯昭公來見自郊勞至

于贈賄無失禮公謂齊曰魯侯不亦善于禮乎對曰魯

侯焉知禮公曰何為自郊勞至于贈賄禮無違者何故

不知對曰是儀也不可謂禮禮所以守其國行其政令

無失其民者也今政令在家不能取也有子家羈弗能

用也奸大國之盟陵虐小國

謂伐莒取鄆

利人之難

謂莒亂而取鄆

不知其私公室四分民食于他

謂三家也

思莫在公不圖其

終為國君難將及身不恤其所禮之本末將于此乎在

而屑屑焉習儀以亟言善于禮不亦遠乎君子謂叔侯

于是乎知禮

左傳

杜預注時平公亦失政齊以此諷諫

齊子寬

女寬字叔褒齊之子也為大夫事頃公頃公十年

昭二十六年

年子朝之亂知躒趙鞅納王使寬守闕塞備子朝十二

年

昭二十八年

魏舒舉魏戊

舒庶子

為梗陽大夫梗陽人有獄

魏戊不能斷以獄上其大宗賂以女樂魏舒將受之魏

戊謂寬及閭沒曰主以不賄聞于諸侯若受梗陽人賄

莫甚焉吾子必諫皆許諾退朝待于庭饋入召之比置

自始食至食盡

三歎既食使坐魏舒曰吾聞諸伯叔諺曰唯食

忘憂吾子置食之間三歎何也同辭而對曰或賜二小

人酒不夕食饋之始至恐其不足是以歎中置

至食及半自

咎曰豈將軍食之而有不足是以再歎及饋之畢願以

小人之腹為君子之心屬厭而已魏舒辭梗陽人頃公

薨事定公初周襄王欲遷都成周定公三年

定元年

魏舒

合諸侯之大夫城成周齊高張後不從諸侯寬曰周襄

王齊高張皆將不免襄王違天高子違人天之所壞不

可支也衆之所為不可奸也閭沒者即閭明亦為晉大

夫定公八年

定六年

子朝餘黨僭翩復作亂閭沒戍周且

城胥靡又有司馬叔游者亦齊之子

杜預注叔游司馬叔侯之子叔侯即女齊也韋昭注

女寬女齊之子叔褒也叔褒叔游或即是一人

祁盈之家臣祁勝與鄔臧通室盈將執之訪于叔游叔

游曰鄭書

古書名

有之惡直醜正實蕃有徒無道立矣子

懼不免詩曰民之多辟無自立辟姑已若何盈不聽祁

氏遂亡

左傳

成鱣

成鱣者晉大夫頃公十二年

昭二十八年

魏舒以魏戌為梗

陽大夫舒謂鱣吾與戌也縣人其以我為黨乎對曰何

也戌之為人也遠不忘君近不偪同居利思義在約思

純有守心而無淫行雖與之縣不亦可乎昔武王克商

光有天下其兄弟之國者十有五人

按武王兄弟封國者管蔡郕霍魯衛

毛昉邵雍曹滕畢原豐郇凡十六人此言十五紀載不同

姬姓之國者四十人皆舉

親也夫舉無他唯善所在親疏一也詩曰唯此文王帝

度其心莫其德音其德克明克明克類克長克君王此  
大國克順克比比于文王其德靡悔既受帝祉施于孫  
子心能制義曰度德正應和曰莫照臨四方曰明勤施  
無私曰類教誨不倦曰長賞慶刑威曰君慈和徧服曰  
順擇善而從之曰比經緯天地曰文九德不愆作事無  
悔故襲天祿子孫賴之主之舉也近文德矣所及其遠

哉

左傳

論曰心有恃敬則衰恃則侈之門也德音且不可恃而

況險與馬哉湯之聖敬日躋文王之小心翼翼閑其恃也女叔之論倫脊昭然宜其聽乎腹有厭心則無厭善乎叔褒之諷亦所以革其侈也

陽畢

陽畢者晉大夫事平公平公六年

襄二十一年

我逐欒盈箕

遺及黃淵嘉父作亂不克而死

韋昭注箕遺等皆晉大夫欒盈之黨士勾將逐欒盈箕遺等知之而作亂士勾殺其黨十人



公謂畢曰自穆侯

桓叔之父

以至于今亂兵不輟民志無厭

禍敗無已離民且速寇恐及吾身若之何對曰本根猶  
樹枝葉益長本根益茂是以難已也今若大其柯去其  
枝葉絕其本根可以少間公曰子實圖之畢曰圖在明  
訓明訓在威權威權在君君掄賢人之後有常位于國  
者而立之亦掄逞志虧君以亂國者之後而去之是遂  
威而遠權民畏其威而懷其德莫能勿從若從則民心  
皆可畜畜其心而知其欲惡民孰偷生若不偷生則莫

思亂矣且夫欒氏之誣晉國也久矣欒書實覆宗殺厲公以厚其家若滅欒氏則民威矣今吾若起瑕原韓魏之後而賞立之則民懷矣威與懷各當其所則國安矣君治而國安欲作亂者誰與公曰欒書立吾先君欒盈不獲罪如何畢曰夫正國者不可以暱于權行權不可以隱于私暱于權則民不道行權隱于私則政不行政不行何以道民民之不道亦無君矣則其為暱與隱也復產害矣且勤君身若愛欒盈則明逐羣賊而以國倫

數而遣之厚戒箴國以待之彼若求逞志而報于君罪孰大焉滅之猶少彼若不敢而遠逃乃厚其外交而勉之以報其德不亦可乎公許諾盡逐羣賊而使畢及祁午適曲沃逐欒盈盈出奔楚遂令于國人曰自文公以來有力于先君而子孫不育者將授立之得之者賞

國語

郵無恤

王良

郵無恤字伯樂又名王良又曰郵良

國語作郵無正

為晉大夫

定公十九年

哀二年

荀寅士吉射叛晉居朝歌齊人輸之

粟鄭人送之趙鞅禦之遇于戚將戰郵無恤御鞅衛世

子蒯瞶為右登鐵上

名邱

望見鄭師衆世子懼自投于車

下無恤授世子綏而乘之曰婦人也及戰鄭人擊鞅中

肩斃

也

于車中獲其蠶旗世子救之以戈鄭師北世子

復伐之大敗鄭師獲齊粟千車既戰鞅曰吾伏弋

衣

血鼓音不衰今日我上也世子曰吾救主于車中退敵

于下我右之上也無恤曰我兩靽將絕吾能止之我御

之上也駕而乘材兩靽皆絕

乘載也材橫木明細小也言駕而載細小之橫木兩

絕 朝同時皆  
左傳

鞅使家臣尹鐸為晉陽曰必墮其壘培

荀寅士吉射圍趙氏所作壘培

尹鐸往而增之鞅怒曰必殺鐸也而後入大夫辭之不可曰是昭余讎也無恤進曰昔先主文子

趙武也

少釁于

難從姬氏于公宮有孝德以出在公族有恭德以升在位有武德以羞為正卿有溫德以成其名譽失趙氏之典刑而去其師保基於其身以克復其所及景子

趙武成長

于公宮未及教訓而嗣立矣亦能纂修其身以受先業

無謗于國順德以學

音效教也

子擇言以教子擇師保以相

子今吾子嗣位有文之典刑有景之教訓重之以師保  
加之以父兄子皆疏之以及此難夫尹鐸曰思樂而喜  
思難而懼人之道也委土可以為師保吾何為不增是  
以修之庶曰可以鑑而鳩趙宗乎若罰之是罰善也罰  
善必賞惡臣何望矣鞅說曰微子吾幾不為人矣以免  
難之賞賞尹鐸初無恤與尹鐸有怨以其賞如無恤曰  
子免吾死敢不歸祿辭曰吾為主圖非為子也怨之如

初國語

司馬寅

司馬寅者亦晉大夫定公三十年

哀十三年

公及吳子盟于

黃池時越已入吳獲大子友將畝吳晉爭先吳人曰于

周室我為長晉人曰于姬姓我為伯趙鞅呼寅曰日旰

矣大事未成二臣

鞅與寅

之罪也建鼓整列二臣死之長

幼必可知也對曰請姑視之反曰肉食者無墨

氣色下也今

吳王有墨國勝乎大子死乎且夷德輕不忍久請少待

之乃先我

左傳

論曰樂氏之獄弑君不討而無罪見逐書辛盈殃威懷  
並失亂之所以不戢夫若夫增壘而賞亦能有懷也

尚史卷四十三



欽定四庫全書

尚史卷四十四

列傳二十二

鑲白旗漢軍李鎔撰

晉諸臣傳

韓萬 韓簡

韓厥

獻子

韓無忌

公族穆子

韓起

宣子

韓不信

簡子

韓須子羽

叔禽韓襄附

叔叔

韓萬者莊伯之弟曲沃武公之叔父也哀侯九年

桓三年

曲沃武公伐翼次于陘庭萬御戎梁弘為右逐翼侯于

汾隰駢紐而止夜獲之遂并翼萬是為韓氏祖萬之孫

韓簡簡為大夫惠公六年

僖十五年

秦伐我公逆秦師使簡

視師復曰師少于我鬪士倍我公曰何故對曰出因其  
資入用其寵饑食其粟三施而無報是以來也今又擊  
之我怠秦奮倍猶未也公曰一夫不可狃況國乎遂使  
請戰簡退曰吾幸而得囚及戰于韓原梁由靡御簡虢  
射為右輅秦伯將止之會公戎馬還寧而止慶鄭以救  
公誤之遂失秦伯秦反獲公以歸簡及諸大夫反首拔

舍從之

反首亂髮下垂  
拔舍拔草舍止

秦伯使辭焉曰二三子何其感

也寡人之從君而西也亦晉之妖夢是踐

狐突不寐而  
與神言故謂

之妖夢

豈敢以至諸大夫三拜稽首曰君履厚土而戴皇

天皇天后土實聞君之言羣臣敢在下風初獻公筮嫁伯

姬

即穆姬

于秦遇歸妹

兌下震  
上歸妹

之睽

兌下離  
上睽

史蘇占之曰

不吉為雷為火為嬴敗姬及公在秦曰先君若從史蘇

之占吾不及此夫簡侍曰龜象也筮數也物生而後有

象象而後有滋滋而後有數先君之敗德及可數乎

言先

君當致喪敗之德及

詩曰下民之孽匪降自天傳胥背

今可一二數之乎

憎職競由人

左傳

厥者萬之玄孫子與之子

韋昭注作子鎮

是為韓獻子也少為

趙盾所待養及長言于靈公以為司馬景公三年

宣十二年

楚圍鄭荀林父救之及河聞鄭及楚平林父欲還先穀

即彘子

不可以中軍佐濟厥謂林父曰彘子以偏師陷子

罪大矣子為元帥師不用命誰之罪也失屬亡師為罪

已重不如進也事之不捷惡有所分與其專罪六人同

之不猶愈乎師遂濟楚敗我師于邲九年

成二年

齊伐魯

敗衛卻克救魯衛與齊師戰于鞏齊師敗績厥夢子輿

謂已曰且辟左右故中御而從齊侯

自非元帥御者皆居中將在右厥辟

左右故居中

邲夏曰射其御者君子也齊侯曰謂之君子而

射之非禮也射其左越于車下射其右斃于車中綦母

張

晉大夫

喪車從厥曰請寓乘從左右

綦母張既喪其車欲從厥左右而載

皆肘之使立于後厥俛定其右

右被射仆車中故俯安隱之

逢丑父

與齊侯易位將及華泉駢絀于木而止厥執繫馬前再

拜稽首奉觴加璧以進曰寡君使羣臣為魯衛請曰無令與師陷入君地下臣不幸屬當戎行無所逃隱且懼

奔辟而忝兩君臣辱戎士敢告不敏攝官承乏丑父使

齊侯下如華泉取飲齊侯以免明年賞鞏之功作六軍

以厥為卿

為新中軍將

齊侯來朝公享之齊侯視厥厥曰君

知厥也乎齊侯曰服改矣

戎朝異服言服改明識其人

厥登舉爵曰

臣之不敢愛死為兩君之在此堂也十五年

成六年

晉人

謀去故絳

晉復命新田為絳故謂此故絳

諸大夫皆曰必居郕瑕氏之

地沃饒而近鹽國利君樂不可失也時厥將新中軍且

為僕大夫

即大僕

公揖而入厥從公立于寢庭謂厥曰何

如對曰不可郇瑕氏土薄水淺其惡易覲易覲則民愁

民愁則墊隘

羸困也

于是乎有沈溺重脰之疾

沈溺濕疾重脰足腫

不如新田土厚水深居之不疾有汾澮

二水名

以流其惡

且民從教十世之利也夫山澤林鹽國之寶也國饒則

民驕佚近寶公室乃貧不可謂樂公說從之遷于新田

趙莊姬

成公女趙朔妻

譖趙同趙括

並趙衰子

于公十七年

成八年

殺

趙同趙括以其田與祁奚厥言于公曰成季

即趙衰

之勲

宣孟

即趙盾

之忠而無後為善者懼矣三代之令王皆數

百年保天之祿夫豈無辟王賴前哲以免也周書曰不

敢侮鰥寡所以明德也乃立趙武而反其田景公薨事

厲公厲公三年

成十年三年

欒書為帥厥將下軍敗秦師于麻

隧獲秦成差及不更女父

皆秦大夫不更秦爵

五年

成十年五年

楚侵鄭

衛欒書欲報楚厥曰無庸使重其罪民將叛之無民孰

戰六年

成十年六年

我伐鄭楚救之厥將下軍從鄭伯其御杜



溷羅曰速從之其御屢顧不在馬可及也厥曰不可以

再辱國君乃止卻至從鄭伯其右第翰胡曰謀輅之余

從之乘而俘以下

謀輅兵也使謀距鄭伯車前而自後登其車以執之

卻至曰傷

國君有刑亦止七年

成十七年

樂書中行偃執厲公召厥厥

辭曰昔吾畜于趙氏孟姬

即趙莊姬

之讒吾能違兵

言晉討趙氏厥

去其兵示不與黨

古人有言曰殺老牛莫之敢尸而況君乎二

三子不能事君焉用厥也

國語樂書中行偃圍公于匡麗氏召韓獻子獻子辭

卷四十一  
曰殺君以求威非吾所能為也威行為不仁事廢為  
不知享一利亦得一惡非所務也中行偃欲伐之欒  
書曰不可其身果而辭順順無不行果無不徹犯順  
不祥伐果不克夫以果戾順行民不犯也吾雖欲攻  
之其能乎乃止

明年悼公即位厥將中軍為政會楚伐宋宋來告急厥  
曰欲求得人必先勤之成霸安疆自宋始矣公救宋楚  
師還悼公元年哀元厥帥諸侯之師伐鄭入其郛敗其

徒兵于洧上于是東諸侯之師

齊魯曹  
邾杞

次于鄆以待我

師我師自鄆以鄆之師侵楚焦夷及鄭公及衛侯次于

戚以為之援七年

襄七

厥老子起嗣

左傳

厥卒謚曰獻子二無忌起

起者厥之子宣子也起兄無忌是為公族穆子無忌為  
厥長子性鎮靜而有廢疾悼公即位使為公族大夫使  
訓卿之子弟共儉孝弟

國語無忌鎮靜鎮靜者修之則壹

悼公七年

襄七年

厥告老將立無忌辭曰詩曰豈不夙夜

畏行多露又曰弗躬弗親庶民弗信無忌不才讓其可

乎請立起也與田蘇

晉賢人

游而曰好仁詩曰靖共爾位

好是正直神之聽之介爾景福恤民為德正直為正正  
曲為直參和為仁如是則神聽之介福降之立之不亦  
可乎公謂無忌仁使掌公族大夫

國語韓獻子老使公族穆子受事于朝辭曰厲公之  
亂無忌備公族不能死臣聞之曰無功庸者不敢居

高位今無忌知不能匡君使至于難仁不能救勇不能死敢辱君朝以忝韓宗請退也固辭不立

起遂嗣為卿九年

襄九年

公會諸侯伐鄭起為上軍佐佐

荀偃門于師之梁

鄭城門

鄭成乃盟于戲而還十三年

襄十年

三年

公蒐于縣上以治兵使起將上軍辭以趙武從之起

如故悼公薨事平公平公三年

襄十八年

公圍齊起佐趙武

以上軍圍盧弗克十二月伐雍門

齊城門

之荻侵濰及沂

而還十年

襄二十五年

起如齊莊盟十一年

襄二十六年

起聘于

周王使請事對曰晉士起將歸時事于宰旅

禮諸侯大夫入天子

國稱士時事四時貢職宰旅冢宰之下士

無他事矣王聞之曰韓氏其昌阜

于晉乎辭不失舊十二年

襄二十七年

宋向戌善于趙武又

善于楚屈建欲弭諸侯之兵以為名來告趙武武謀諸

諸大夫起曰兵民之殘也財用之蠹小國之大害也將

或弭之雖曰不可必將許之弗許楚將許之以召諸侯

則我失為盟主矣乃許之楚及齊秦皆許之夏六月盟

于宋十七年

昭元年

趙武卒起將中軍為政明年使起如

魯聘觀書于大史氏見易象與魯春秋曰周禮盡在魯  
矣吾乃今知周公之德與周之所以王也魯昭公享之  
季孫宿賦縣之卒章起賦角弓宿拜曰敢拜子之彌縫  
敝邑寡君有望矣宿賦節之卒章既享宴于季氏有嘉  
樹焉起譽之宿曰宿敢不封殖此樹以無忘角弓遂賦  
甘棠起曰起不堪也無以及召公遂如齊納幣聘少姜  
見公孫竈公孫蠆竈蠆見其二子旗與彊起曰皆非保  
家之主也不臣又聘于衛衛侯享之北宮佗賦淇澳起

賦木瓜十九年

昭三年

少姜既卒齊侯使晏嬰請繼室于

我曰君若不忘先君之好惠顧齊國則猶有先君之適

及遺姑姊妹若而人

言如常人

君若不棄敝邑而辱使董振

擇之

董正振整也

以備嬪嬙寡人之願也起使羊舌肸對曰

寡君之願也寡君不能獨任其社稷之事未有伉儷在

繅絰之中

制夫人之服葬訖君臣乃釋服

是以未敢請君有辱命惠莫

大焉若惠顧敝邑撫有晉國賜之內主豈惟寡君舉羣

臣實受其貺其自唐叔以下實寵嘉之夏五月初齊



逆女公孫薑為少姜之有寵也以其子更公女而嫁公

子

公子即公女變文也

人謂起曰子尾

即公孫薑

欺晉晉胡受之起曰

我欲得齊而遠其寵寵將來乎二十一年

昭五年

起如楚

送女楚子厚為之禮起反鄭伯勞諸圉

鄭地

辭不敢見禮

也

奉使君命未反故

二十三年

昭七年

鄭國僑來聘會公寢疾夢

黃熊起私問僑僑以鰥對起祀夏郊公有間國僑為豐

施歸州田于起起受之以告公公以與起起初與趙武

爭州田

見昭三年

病有之以易原縣于宋樂大心

宋大夫

平公

欽定四庫全書

尚史  
卷四十四

九

堯事昭公昭公元年

昭十一年

起會周單成公于戚六年

昭十

六年

起如鄭聘鄭六卿餞起于郊起曰二三君子請皆賦

起亦以知鄭志嬰齊賦野有蔓草起曰孺子善哉吾有  
望矣國僑賦鄭之羔裘起曰起不堪也游吉賦褰裳起  
曰起在此敢勤子至于他人乎游吉拜起曰子之言是  
不有是事其能終乎駟偃賦風雨豐施賦有女同車印  
癸賦犇兮起喜曰鄭其庶乎二三君子以君命貺起賦  
不出鄭志皆昵燕好也二三君子數世之主也可以無

懼矣起皆獻馬焉而賦我將國僑拜使五卿皆拜曰吾  
子靖亂敢不拜德起有環其一在鄭商起謁諸鄭伯國  
僑弗與買諸賈人僑又不可至是起私覲于僑以玉與  
馬曰子命起舍夫玉是賜我玉而免吾死也敢不藉手  
以拜昭公薨事頃公頃公八年昭二十四年子朝亂周起徵  
會于諸侯明年會于黃父以定王室十二年昭二十八年秋  
起卒謚曰宣子

韓非子韓宣子曰吾馬菽粟多矣甚懼何故寡人患

之周市對曰使駟盡粟以食雖無肥不可得也名與多與之其實少雖無臞亦不可得也主不審其情實坐而患之馬猶不肥也

子四須叔禽叔椒子羽

叔禽以下名未詳

須起之門子也

周禮公卿之子入王端之左教之以六藝謂之門子又曰其正室皆謂之門子

為公族大夫事平公平公十八年

昭二年

須如齊逆少姜

叔禽以下事不載

起卒而不信嗣卿蓋須前卒也

無忌子襄平公時亦

為公族大夫

左傳

不信字伯音起之孫簡子也事定公定公二年

昭三十二年

王使來請城成周魏舒使不信對曰天子有命敢不奉承以奔告于諸侯遲速哀序于是焉在冬十一月魏舒及不信如京師合諸侯之大夫于狄泉尋盟且令城成周不信與荀寅相惡十五年

定十三年

荀寅士吉射逐趙鞅

不信卒謚曰簡

左傳

不信子庚是為莊子庚子虎是為康子見韓世家

世本韓萬生昧伯昧伯生定伯簡簡生興興生獻子  
厥厥生宣子起起生平子頃史記韓之先與周同姓  
其後苗裔事晉得封于韓原曰韓武子武子後三世  
有韓厥從封姓為韓氏號為獻子獻子子宣子宣子  
徙居州宣子子貞子貞子徙居平陽貞子子簡子簡  
子子莊子莊子子康子康子子武子武二子景侯

論曰厲公作惡書偃逃死晉之舊姓多不免者韓厥踣  
軀中立難矣崔杼且舍晏子中行氏又惡敢攻厥哉新

田之遷艾安十餘葉詩曰遠猶辰告遠于羣議也夫韓氏大夫也卒正南面雖韓叔厚基子且慕公族穆子之仁也

畢萬

魏犇

子武

魏錡

子尉武

魏相

子呂宣

魏顆

魏頡

令狐文子

魏絳

子莊

魏舒

子獻

魏戊孟丙

賈辛樂霄

司馬烏僚安附

司馬彌牟

魏蔓多襄子

畢萬者畢公高之子孫也仕于晉事獻公獻公十六年

閏元

作二軍公將上軍太子申生將下軍趙夙御戎畢

萬為右以滅耿滅霍滅魏

三國皆姬姓

賜畢萬魏以為大夫

魏氏由是始萬之孫犇是為魏武子也初從文公出亡

文公入即位四年

僖二十七年

公蒐于被廬作三軍以犇為

右明年圍曹入之令無入僖負羈

曹大夫

之宮而免其族

報施也

初公過曹僖負羈饋盤飧置璧

犇及顛頡怒曰勞之不圖報于

何有執僖負羈氏犇傷于胸公欲殺之而愛其材使問

且視之病將殺之犇束胸見使者曰以君之靈不有寧

也距躍三百曲踊三百

距躍超越也曲踊跳踊也百猶勤也蓋距地向前超越躍越物者



三勉勵而為之也

乃舍之殺顛頡以徇

左傳

犢卒謚曰武子三錡顓絳

錡者犢之子食邑于呂謂之呂錡又曰厨武子事景公

景公三年

宣十二年

邲之役錡求公族未得而怒欲敗我師

請致師弗許請使許之遂往請戰而還楚潘黨逐之及

熒澤見六麋射一麋以顧獻曰子有軍事獸人無乃不

給于鮮敢獻于從者潘黨去之會趙旃往楚子逐之遂

乘我師我師敗績楚囚荀瑩錡御荀首

即如莊子荀瑩之父

射連

欽定四庫全書

尚史  
卷九

十三

尹襄老與公子穀臣以歸景公薨事厲公厲公六年

成十

六年

鄢陵之役錡夢射月中之退入于泥占之曰姬姓日

也異姓月也必楚王也射而中之退入于泥亦必死矣

及戰射共王中目王召養由基使射錡中項伏弋而死

謚曰武錡子相是為呂宣子厲公三年

成十三年

公使相絕

秦曰昔逮我獻公及穆公相好戮力同心申之以盟誓

重之以昏姻天禍晉國文公如齊惠公入秦無祿獻公

即世穆公不忘舊德俾我惠公用能奉祀于晉又不能

成大勲而為韓之師亦悔于厥心用集我文公是穆之  
成也文公躬擐甲胄跋履山川踰越險阻征東之諸侯  
虞夏商周之脩而朝諸秦則亦既報舊德矣鄭人怒君  
之疆場我文公帥諸侯及秦圍鄭秦大夫不詢于我寡  
君擅及鄭盟諸侯疾之將致命于秦文公恐懼綏靜諸  
侯秦師克還無害則是我有大造于西也無祿文公即  
世穆為不弔蔑死我君寡我襄公迭我殽地奸絕我好  
伐我保城殄滅我費滑散離我兄弟撓亂我同盟傾覆

我國家我襄公未忘君之舊勲而懼社稷之隕是以有  
殺之師猶願赦罪于穆公穆公弗聽而即楚謀我天誘  
其衷成王隕命穆公是以不克逞志于我穆襄即世康  
靈即位康公我之自出又欲闕翦我公室傾覆我社稷  
帥我螫賊以來蕩搖我邊疆我是以有今狐之役康猶  
不悛入我河曲伐我涑川俘我王官翦我羈馬我是以  
有河曲之戰東道之不通則是康公絕我好也及君之  
嗣也我君景公引領西望曰庶撫我乎君亦不惠稱盟

利吾有狄難入我河縣焚我箕部芟夷我農功虔劉我邊陲我是有輔氏之聚君亦悔禍之延而欲徼福于

先君獻穆使伯車

秦桓公子

來命我景公曰吾與女同好棄

惡復修舊德以追念前勲言誓未就景公即世我寡君是以有令孤之會君又不祥背棄盟誓白狄及君同州君之仇讎而我之昏姻也君來賜命曰吾與女伐狄寡君不敢顧昏姻畏君之威而受命于吏君有二心于狄曰晉將伐女狄應且憎是用告我楚人惡君之二三其

德也亦來告我曰秦背令狐之盟而來求盟于我昭告  
昊天上帝秦三公楚三王曰余雖與晉出入余唯利是  
視不穀惡其無成德是用宣之以懲不壹諸侯備聞此  
言斯是用痛心疾首暱就寡人寡人帥以聽命唯好是  
求君若惠顧諸侯矜哀寡人而賜之盟則寡人之願也  
其承寧諸侯以退豈敢微亂君若不施大惠寡人不佞  
其不能以諸侯退矣敢盡布之執事俾執事實圖利之

左傳

及悼公即位使相佐下軍曰邲之役呂錡佐知莊子于  
下軍獲楚公子穀臣與連尹襄老以免子羽即知鄢之  
役親射楚王而敗楚師以定晉國而無後其子孫不可  
不崇也國語

已而卒謚曰宣

顓者亦犛之子也事景公景公六年

定十五年

我滅赤狄而

秦伐我次于輔氏公別遣顓距秦師公治兵于稷以略  
狄土立黎侯而還及雒顓敗秦師于輔氏獲杜回秦之

力人也初魏犢有嬖妾無子犢疾命顗必嫁是疾病則曰必以為殉及卒顗嫁之曰疾病則亂吾從其治也及輔氏之役顗見老人結草以亢杜回杜回躓而顗故獲之夜夢之曰余而所嫁婦人之父也爾用先人之治命

余是以報

左傳

顗子頡是為令狐文子悼公即位使頡佐新軍曰昔克潞之役秦來圖敗晉功魏顗以其身卻退秦師于輔氏親止杜回其勲盟于晉鐘至于今不育其子不可不興



也

國語

頡卒謚曰文

絳者驥之子莊子也悼公即位知絳勇而不亂使為司

馬

國語

悼公三年

襄三

公會諸侯同盟于雞澤公之弟楊干亂

行于曲梁

晉地

絳戮其僕公怒謂羊舌赤曰合諸侯以為

榮也楊干為戮何辱如之必殺魏絳無失也對曰絳無

二志事君不辟難有罪不逃刑其將來辭何辱命焉言

終絳至授僕人書將伏劍士魴張老止之公讀其書曰  
日君乏使使臣斯司馬臣聞師衆以順為武軍事有死  
無犯為敬君合諸侯臣敢不敬君師不武執事不敬罪  
莫大焉臣懼其死以及揚干無所逃罪不能致訓至于  
用鉞臣之罪重敢有不從以怒君心請歸死于司寇公  
跣而出曰寡人之言親愛也吾子之計軍禮也寡人有  
弟弗能教訓使干大命寡人之過也子無重寡人之過  
敢以為請公以絳為能以刑佐民矣反役與之禮食使

佐新軍四年

襄四年

無終子嘉父

無終戎山國名

使孟樂來因絳

納虎豹之皮以請和諸戎公曰戎狄無親而貪不如伐

之絳曰諸侯新服陳新來和將觀于我我德則睦否則

携貳勞師于戎而楚伐陳必弗能救是棄陳也諸華必

叛戎禽獸也獲戎失華無乃不可乎夏訓有之曰有窮

后羿公曰后羿何如對曰昔有夏之方衰也后羿自鉏

遷于窮石因夏民以代夏政恃其射也不修民事而淫

于原獸棄武羅伯因熊髡庀圉

四子皆羿賢臣

而用寒浞寒浞

伯明氏之讒子弟也伯明后寒棄之夷羿收之

寒棄之夷羿

之信而使之以為已相浞行媚于內而施賄于外愚弄

其民而虞羿于田樹之詐慝以取其國家外內咸服羿

猶不悛將歸自田家衆殺而烹之以食其子其子不忍

食請死于窮門靡

靡靡伯夏遺臣

奔有鬲氏浞因羿室生澆及

豷恃其讒慝詐偽而不德于民使澆用師滅斟灌及斟

尋氏

二國夏同姓諸侯仲康之子后相所依

處澆于過處豷于戈靡自有

鬲氏收二國之燼以滅浞而立少康少康滅澆于過后

杼滅殪于戈有窮由是遂亡失人故也昔周辛甲之為  
大史也命百官官箴王闕于虞人之箴曰芒芒禹跡畫  
為九州經啟九道民有寢廟獸有茂草各有攸處德用  
不擾在帝夷羿冒于原獸忘其國恤而思其麇牡武不  
可重用不恢于夏家獸臣司原敢告僕夫虞箴如是可  
不懲乎于是公好田故絳及之公曰然則莫如和戎乎  
對曰和戎有五利焉戎狄薦居貴貨易土土可賈焉一  
也邊鄙不聳

懼也

民狎其野穡人成功二也戎狄事晉四

鄭振動諸侯威懷三也以德綏戎師德不勤甲兵不頓  
四也鑒于后羿而用德度遠至邇安五也君其圖之公  
說使絳盟諸戎修民事田以時九年

襄九年

冬會諸侯伐

鄭趙武及絳斬行栗

表道樹也

師于汜鄭恐乃行成冬十一

月同盟于戲而還十二月復伐之門其三門濟于陰阪

鄭外

次于陰口

鄭地

而還公歸謀所以息民絳請施舍輸

積聚以貸自公以下苟有積者盡出之國無滯積亦無

困人公無禁利亦無貪民祈以幣更

以幣易姓

賓以特牲器

用不作車服從給行之期年國乃有節三駕而楚不能

與爭

三駕三興師謂魯襄十年師于牛首十一年師于向其秋觀兵于鄭東門

十年

襄十年諸

侯之師城虎牢而戍之我師城梧及制

梧制皆鄭舊地

士魴及

絳戍之以偪鄭鄭及我平十一年

襄十一年

夏四月諸侯伐

鄭秋九月復伐鄭觀兵于鄭東門鄭成賂公以師悝師

觸師蠲

皆樂師名

廣車軌車淳十五乘

廣車軌車皆兵車淳耦也相耦凡十五乘

甲兵備凡兵車百乘歌鐘二肆

肆列也縣鐘十六為一肆二肆三十二枚

及

其鍾磬女樂二八公以樂之半賜絳曰子教寡人和諸

戎狄以正諸華八年之中九合諸侯如樂之和無所不  
諧請與子樂之辭曰夫和戎狄國之福也八年之中九  
合諸侯諸侯無慝君之靈也二三子之勞也臣何力之  
有焉抑臣願君安其樂而思其終也詩曰樂只君子殿  
天子之邦樂只君子福祿攸同便蕃左右亦是帥從夫  
樂以安德義以處之禮以行之信以守之仁以厲之而  
後可以殿邦國同福祿來遠人所謂樂也書曰居安思  
危逆思則有備有備無患敢以此規公曰子之教敢不



承命抑微子寡人無以待戎不能濟河夫賞國之典也  
藏在盟府不可廢也子其受之絳于是始有金石之樂

十三年

襄十三年

士魴卒使絳佐下軍明年伐秦公待于竟

使六卿帥諸侯之師以進荀偃令曰雞鳴而駕塞井夷

竈唯余馬首是瞻樂廩

下軍帥

曰晉國之命未是有也余

馬首欲東乃歸下軍從之左史

晉大夫

謂絳曰不待中行

伯乎絳曰夫子命從帥樂伯吾帥也吾將從之從帥所  
以待夫子也平公時樂廩卒絳為下軍帥廩子盈佐之

平公二年

襄公七年

公會諸侯圍齊絳及欒盈以下軍克邾

我師焚其雍門及四郭東侵及濰南及沂

左傳

絳卒謚曰莊子舒

舒絳之子獻子也事平公初晉逐欒盈平公七年

襄公十二年

年盈夜入曲沃帥曲沃之甲以書入絳盈初佐魏絳于

下軍舒私馬故因之士勾懼奉公以如固宮使子鞅逆

舒則成列既乘將逆欒氏矣鞅趨進曰欒氏帥賊以入

鞅之父與二三子在君所矣使鞅逆吾子遂超乘命驅

之士勾逆諸階執其手賂之以曲沃遂殺盈滅欒氏衛

孫林父逐其君獻公獻公出奔齊十年

襄二十五年

公使舒

及宛沒逆衛獻公將使衛與之夷儀十七年

昭元年

荀吳

伐無終及羣狄于太原崇卒也

崇聚也

將戰舒曰彼徒我

車所遇又阨以什共車必克

更增十人以當一車之用

困諸阨又克

請皆卒

去馬為步卒

自我始乃毀車以為行五乘為三伍

乘車

者車三人五乘十五人今去車更以五人為伍分三為伍

荀吳之嬖人不肯即卒斬

以徇為五陳以相離兩于前伍于後專為右角參為左

角偏為前距以誘之程人笑之未陳而薄之大敗之平

公薨事昭公昭公薨事頃公頃公十二年

昭二十年

韓起

卒舒為政

是年滅祁氏羊舌氏

分祁氏之田以為七縣分羊舌氏

之田以為三縣司馬彌牟為鄔大夫賈辛為祁大夫司

馬烏

即司馬督

為平陵大夫魏戊

舒庶子

為梗陽大夫知徐吾

知盈孫

為塗水大夫韓固

韓起孫

為馬首大夫孟丙為孟大

夫樂霄為銅鞮大夫趙朝

趙勝曾孫

為平陽大夫僚安為楊

氏大夫周子朝之亂賈辛司馬烏帥師納敬王

事見魯昭二十

年二

至是舒謂其有力于王室故舉之謂知徐吾趙朝韓

固魏戊餘子之不失職能守業者也其四人者

謂司馬彌牟孟

丙樂霄條安也

皆受縣而後見于舒以賢舉也賈辛將適其縣

見于舒舒曰辛來昔叔向適鄭駸蔑惡

貌醜也

欲觀叔向

從使之收器者而往立于堂下一言而善叔向將飲酒

聞之曰必駸明也下執其手以上曰昔賈大夫惡娶妻

而美三年不言不笑御以如臯射雉獲之其妻始笑而

言賈大夫曰才之不可以已我不能射女遂不言不笑

夫今子少不颺子若無言吾幾失子矣言之不可以已也如是遂如故知今女有力于王室吾是以舉女行乎敬之哉母墮乃力仲尼聞舒之舉也以為義曰近不失親遠不失舉可謂義矣又聞其命賈辛也以為忠詩曰永言配命自求多福忠也魏子之舉也義其命也忠其長有後于晉國乎頃公薨事定公定公二年昭三十王使來請城成周舒及韓不信如京師合諸侯之大夫于狄泉尋盟且令城成周明年舒蒞政屬役于韓不信及

原壽過

周大

而田于大陸焚焉還卒于甯

左傳

謚曰獻孫曼多嗣曼多卒謚曰襄子駒見魏世家

世本畢萬生芒季芒季生武仲州武仲生莊子絳莊

子生獻子荼獻子生簡子取取生襄子多襄子生桓

子駒桓子生文侯斯史記晉文公令魏武子襲魏氏


之後封列為大夫治于魏生悼子魏悼子徙治霍生

魏絳徙治安邑魏絳卒謚為昭子生魏嬴嬴生魏獻

子魏獻子生魏侈魏侈之孫曰魏桓子桓子之孫曰

文侯都 按史與左氏世本皆不同

論曰吾聞善侑食者甘而後薦魏莊子之虞歲戒田逸  
書申備非善侑食者乎戮揚干以剛和我以柔抑其次  
也書曰紹聞衣德言舒衣絳德是用能世



尚史卷四十四